



## **ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ**

Հայաստանի Հանրապետության «Շիրակի Մ. Նալբանդյանի անվան պետական համալսարան» հիմնադրամը (այսուհետ՝ ՇՊՀ), ի դեմս ռեկտորի ժամանակավոր պաշտոնակատար Երվանդ Սերոբյանի, ով գործում է ՇՊՀ Կանոնադրության հիման վրա՝ մի կողմից և «ԲԻՕՆ ԲԻԶՆԵՍ ԱԿԱԴԵՄԻԱ» ՍՊԸ-ն (այսուհետ՝ «ԲԻՕՆ ԲԻԶՆԵՍ ԱԿԱԴԵՄԻԱ»), ի դեմս տնօրեն Տիգրան Մինասյանի, ով գործում է ընկերության Կանոնադրության հիման վրա՝ մյուս կողմից, (այսուհետ՝ Կողմեր), հիմք ընդունելով միջբուհական համագործակցության ապահովման, կողմերի գիտատեխնիկական և կադրային կարողությունների լիարժեք օգտագործման և առաջավոր փորձի փոխանակման անհրաժեշտությունը, կնքեցին համագործակցության հուշագիր (այսուհետ՝ Հուշագիր) հետևյալի մասին.

### **1. Հուշագրի առարկան**

1.1. Հուշագրի առարկան Կողմերի համագործակցության նպատակի, գործընկերության հիմնական ուղղությունների, Կողմերի իրավունքների և պարտականությունների սահմանումն է:

### **2. Հուշագրի նպատակը և համագործակցության հիմնական ուղղությունները**

2.1. Հուշագրի նպատակը Կողմերի միջև կրթական և գիտահետազոտական ոլորտներում գործընկերային հարաբերությունների հաստատումն է, համագործակցության ծրագրերի իրականացումը՝ Հուշագրի 2.2. կետում նախատեսված ուղղություններով:

2.2. Կողմերի համագործակցության հիմնական ուղղություններն են.

ա/ ՇՊՀ-ում և «ԲԻՕՆ ԲԻԶՆԵՍ ԱԿԱԴԵՄԻԱ»-ում իրականացվող կրթական ծրագրերի մասին տեղեկությունների տրամադրում,

բ/ ՇՊՀ-ում և «ԲԻՕՆ ԲԻԶՆԵՍ ԱԿԱԴԵՄԻԱ»-ում մշակված առարկայական ծրագրերի, կրթական ծրագրերի արտաքին փորձագիտական գնահատման աշխատանքների իրականացում,

- զ/ կրթական ծրագրերի և/կամ առանձին դասընթացների համատեղ մշակում՝ սովորողների համար հնարավորություններ ստեղծելով կրթություն ստանալու նաև հեռաուսուցման միջոցով,
- դ/ սովորողների և դասախոսների մասնագիտական վերապատրաստումների, վարպետության դասերի, կլոր սեղանների, թեմատիկ բանավեճերի կազմակերպում,
- ե/ համատեղ գիտահետազոտական ծրագրերի իրականացում,
- զ/ ՇՊՀ-ի և «ԲԻՕՆ ԲԻՋՆԵՍ ԱԿԱԴԵՄԻԱ»-ի գիտական ամսագրերում համատեղ ուսումնագիտական հետազոտությունների արդյունքների հրատարակում.
- է/ Կողմերի ուսանողների գիտահետազոտական, գիտամանկավարժական, ուսումնական արտադրական պրակտիկաների փոխադարձ կազմակերպում,
- ը/ սովորողների ավարտական աշխատանքների, մագիստրոսական թեզերի փոխադարձ դեկավարում և գրախոսում, գիտակրթական և մեթոդական գրականության ու մասնագիտական զարգացմանը նպաստող էլեկտրոնային աղբյուրների տրամադրում, գիտական աշխատությունների, դասագրքերի, ուսումնական նյութերի, ուսումնամեթոդական ձեռնարկների մշակում և խմբագրում,
- թ/ համատեղ հանրապետական և միջազգային գիտաժողովների կազմակերպում,
- ժ/ համատեղ կրթական, գիտական ուղղվածության դրամաշնորհային ծրագրերի իրականացում,
- ժա/ մյուս Կողմին արտաքին ֆինանսավորմամբ իրականացվող ծրագրերում որպես գործընկեր ներգրավում,
- ժբ/ Կողմերի իրականացրած այլ կրթական, գիտական, մշակութային ծրագրերին, կազմակերպած միջոցառումներին մասնակցություն:

### **3. Կողմերի իրավունքներն ու պարտականությունները**

- 3.1. Կողմերն իրավունք ունեն հանդես գալու Հուշագրով նախատեսված միջոցառումների կազմակերպման ու անցկացման նախաձեռնողի դերում:
- 3.2. Համագործակցության նպատակով, Հուշագրի հիման վրա, Կողմերը պարտավորվում են.
  - ա/ ժամանակին միմյանց փոխանցել համապատասխան տեղեկատվություն, որը վերաբերում է Հուշագրով նախատեսված համատեղ ծրագրերի ու միջոցառումների անցկացմանը,
  - բ/ անվճար հիմունքներով խորհրդատվություն տրամադրել ծրագրի ու միջոցառումների կազմակերպման ու անցկացման հարցերում,
  - գ/ ապահովել անհրաժեշտ նյութական բազա և պայմաններ՝ համատեղ ծրագրեր իրականացնելու և միջոցառումներ անցկացնելու համար,
  - դ/ նախօրոք տեղյակ պահել միմյանց համագործակցության ընթացքում առաջացող խնդիրների միասին և համատեղ ուժերով ապահովել դրանց լուծումը:

#### 4. Հուշագիրն ուժի մեջ մտնելու և գործողության ժամկետները

- 4.1. Հուշագիրը բաղկացած է 3 էջից և ուժի մեջ է մտնում Կողմերի ստորագրման պահից:
- 4.2. Հուշագիրը կազմված է հայերեն երկու հավասարազոր օրինակներից, և յուրաքանչյուր կողմին տրվում է մեկ օրինակ:
- 4.3. Հուշագիրը կնքվում է 5 տարի ժամկետով: Ժամկետը լրանալուց հետո, եթե որևէ Կողմից այլ առարկություն չի լինում, ապա Հուշագրի գործունեության ժամկետն ինքնըստինքյան շարունակվում է ևս 5 տարի:
- 4.4. Հուշագիրը կարող է լուծվել Կողմերի փոխադարձ համաձայնությամբ:
- 4.5. Կողմերից մեկի նախաձեռնությամբ Հուշագրի դադարեցման անհրաժեշտության դեպքում մյուս Կողմը պետք է տեղեկանա այդ մասին գրավոր՝ ենթադրյալ լուծման պահից առնվազն 10 օր առաջ:

#### 5. Եզրափակիչ դրույթներ

- 5.1. Հուշագիրը Կողմերի համար որևէ ֆինանսական պարտավորություն չի առաջացնում:

#### 6. Կողմերի իրավաբանական հասցեները

«Շիրակի Մ. Նալբանդյանի անվան  
պետական համալսարան» հիմնադրամ  
Հասցե՝ ք. Գյումրի, փ. Պ. Սևակի-4  
Էլ. Հասցե՝ [info@shsu.am](mailto:info@shsu.am)  
Հեռ.՝ +374 312 6 94 94

«ԲԻՕՆ ԲԻԶՆԵՍ ԱԿԱԴԵՄԻԱ» ՍՊԸ  
Հասցե՝ ք. Գյումրի, Գորկու 26/77  
Էլ. Փոստ՝ [beonacademy@gmail.com](mailto:beonacademy@gmail.com)  
Հեռ.՝ +374 98 96 33 56

Ռեկտորի ժամանակավոր  
պաշտոնակատար՝ Երվանդ Սերոբյան

Տնօրեն՝  
Տիգրան Մինասյան



Կ.Տ.

Կ.Տ.

« 30 » 09 2021թ.

« 30 » 09 2021թ.